



REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK – MUNICIPALITY OF JUNIK



RREGULLORE

**PER MIRËMBAJTJEN E PASTËRTISË NË TERRITORIN
E KOMUNËS SË JUNIKUT**

SHKURT 2011

Në mbështetje të Ligjit për Mbrojtjen e Mjedisit, nenit 50 paragrafi 3, Ligjit mbi Vetëqeverisjen Lokale (Ligji Nr. 03/ L- 040) nenit 12 ,neni 17 shkronja (e,f), neni 40 paragrafi 2 shkronja (a),Udhëzimit Administrativ Nr. 04/ 2009 për gjobat mandatore, si dhe duke u mbështetur në nenin 10 shkronja (e,f) të Statutit të Komunës, Kuvendi i Komunës së Junikut në mbledhjen e mbajtur më 28.02.2011, miratoi këtë:

R R E G U L L O R E

PËR MIRËMBAJTJEN E PASTËRTISË NË TERRITORIN E KOMUNËS SË JUNIKUT

I. DISPOZITAT E PËRGJITHSHME

Neni 1

Në këtë Rregullore përcaktohen masat mbi sigurimin dhe mbajtjen e higjienës, e të pastërtisë në sipërfaqet publike dhe në sipërfaqet tjera, me qëllim të mbrojtjes dhe përmirësimit të shëndetit të qytetarëve, dhe të sigurimit të kushteve themelore higjienike në interes të drejtpërdrejtë të qytetarëve në tërë territorin e Komunës së Junikut.

Neni 2

Sipërfaqe publike, në pajtim me dispozitat e kësaj Rregulloreje konsiderohen:

1. Rugët, vendbanimet në qytet dhe fshatra, ura, lumenjtë dhe brigjet e tyre.
2. Stacioni dhe vend-ndaljet e autobusëve, vend-parkingjet e auto-taxi-ve, pompat e benzinës dhe sipërfaqet e parkingut.
3. Institucionet publike, tregjet, parqet, sheshet dhe gjelbërimet e tjera; konsiderohen të gjitha ato sipërfaqe, pastërtia e të cilave rregullohet me këtë Rregullore.
4. Varrezat, lapidarët dhe varrezat e dëshmorëve si dhe hapësirat e tyre.

Neni 3

Në kuadrin e mbajtjes së pastërtisë e të higjienës, në pajtim me këtë Rregullore hyjnë:

1. Pastrimi i sipërfaqeve publike, spërkatja e rrugëve dhe të trotuareve, largimi i dëborës dhe i akullit nga rrugët e veçmas nga rrugët kryesore, mirëmbajtja e pusetave (shakteve), e vend rrjedhave të ujit nëpër rrugët dhe shtigjet e parkimit, grumbullimi gjegjësisht bartja e mbeturinave dhe ndotësirave tjera, mbledhja dhe largimi i kafshëve dhe shpezëve të ngordhura dhe të ndotësirave tjera.
2. Bartja dhe deponimi i mbeturinave të ekonomive familjare, i ndotësirave dhe mbeturinave të tjera nga ndërtesat e banimit dhe zyrat e punës, respektivisht nga sipërfaqet e tjera, pronarët e të cilave janë ndërmarrjet punuese, pronarët e lokaleve afariste e zejtare, bartja dhe transporti i plehrave organike (kafshëve) dhe i plehrave tjera ne deponi.
3. Rregullimi higjieniko-sanitar i automjeteve të destinuara për transportin publik të udhëtarëve dhe të artikujve ushqimorë, transportin e të sëmurëve.
4. Transportimi i lëndëve djegëse, respektivisht transportimi i materialit djegës, ndërtimor dhe i materialit tjetër (i dheut, materieve kimike, gëlqeres, rërës , thëngjillit, drurit, plehut, mbeturinave fekale, dhe i ndotësirave tjera.)

Neni 4

Ndërmarrja përgjegjëse komunale për pastrim, ekonomitë familjare, qytetarët, ndërmarrjet punuese dhe ndërmarrjet tjera, pronarët e ndërtesave, zyrtaret e zyrave të punës, lokalet afariste dhe zejtare, si dhe qytetarët që i shfrytëzojnë të gjitha hapësirat e cekura në nenin 2 të kësaj Rregulloreje janë përgjegjës për gjendjen e pastërtisë, dhe duhet ti përmbahen dispozitave të kësaj Rregulloreje dhe te kontribuojnë në zbatimin e saj.

Neni 5

II. PASTRIMI I SIPËRFAQEVE PUBLIKE DHE I VENDEVE TJERA NË QENDRËN KOMUNALE

5.1. Pastrimi i rrugëve, trotuareve, parqeve dhe i sipërfaqeve të tjera publike duhet të bëhet me kohë, dhe në mënyrë që të mos e pengoi lëvizjen e kalimtarëve. Sipërfaqja që pastrohet më parë duhet të spërkatet me ujë, sidomos gjatë verës. Pastrimi i rrugëve, trotuareve, i tregjeve dhe i sipërfaqeve tjera publike nga kompania përgjegjëse, gjatë verës duhet të bëhet pas orës 23:00, e deri në orën 06:00 të mëngjesit, ndërsa dimrit pas orës 21:00 e deri në orën 07:00 të mëngjesit.

5.2 .Pronarët e lokaleve afariste dhe zejtare, banuesit e qendrave kolektive, pronaret e shtëpive të banimit, janë të obliguar që të bëjnë spërkatjen dhe

pastrimin para sipërfaqeve të lokalit të tyre për çdo ditë në mëngjes deri në ora 08:00, dhe në mbrëmje pas orës 18:00.

Neni 6

6.1 Për pastrimin e sipërfaqeve të hapura ndërmjet ndërtesave apo përreth tyre, nëse ato sipërfaqe nuk i takojnë sipërfaqeve nga neni 2 i kësaj Rregulloreje, kujdesen familjaret e ekonomive shtëpiake, ndërmarrja përgjegjëse komunale për pastrim, qiramarrësit e ndërtesave e të lokaleve të punës, bartësit e së drejtës së banuesit në ndërtesat kolektive familjare në prone publike.

6.2 Organet dhe personat nga paragrafi paraprak janë të detyruar që nëpërmjet të kujdestarit të ndërtesës ose në ndonjë mënyrë tjetër ta sigurojnë pastërtinë dhe gjendjen e rregullt higjienike të sipërfaqeve e të lokaleve të përmendura.

Neni 7

Për pastrimin e sipërfaqeve publike dhe grumbullimin e mbeturinave, përveç ndërmarrjes përgjegjëse komunale për pastrim kujdesen edhe individët respektivisht personat fizik në llogari të të cilëve bëhet transportimi i mallit gjegjësisht ndërmarrjet punuese dhe ndërmarrjet tjera, si dhe qytetaret që i shfrytëzojnë këto hapësira.

Neni 8

III. MIRËMBAJTJA E PASTËRTISË NË SIPËRFAQET PUBLIKE NË TËRË TERRITORIN E KOMUNËS

Në sipërfaqet publike të qytezës së Junikut dhe në vendbanimet tjera vendosen kontejnerët dhe shportat për mbeturina, nga ndërmarrja përgjegjëse për grumbullimin e mbeturinave .

Kontejnerë për mbeturina duhet të jenë të pajisura me kapakë, dhe të rregulluar në mënyrë që të përdoren, respektivisht të pastrohen dhe të mirëmbahen lehtë.

Neni 9

Vendet në të cilat vendosen kontejnerët dhe shportat, për mbeturina i cakton Drejtoria për Shërbimeve Publike dhe Inspekcion, me marrëveshje me ndërmarrjen përgjegjëse për pastrimin dhe grumbullimin e mbeturinave në tërë territorin e K. Junikut .

Neni 10

Të gjithë qytetarët e Komunës së Junikut, janë të obliguar që t'i pastrojnë trotualet, pjesët e rrugës, si dhe sipërfaqet para dhe rreth lokaleve afariste dhe objekteve të banimit.

Neni 11

IV. ËSHTË E NDALUAR

1. Të hedhen mbeturinat ose ndonjë material tjetër (me dorë, karrocë, rimorkio, prej automjeteve) që krijojnë papastërti në sipërfaqe publike dhe në sipërfaqe tjera ;
2. Derdhja e ujërave të zeza dhe të mbeturinave të tjera në rrugë dhe në sipërfaqe të tjera publike;
3. Hedhja e plehurove organik (bagëti) në sipërfaqet publike;
4. Hedhja e kafshëve të ngordhura afër vendbanimeve dhe jashtë varrezave të tyre;
5. Derdhja e ujërave të zeza dhe mbeturinave në oborre të fqinjëve, ujërat e zeza ose ujërat e tjera të derdhen në gropa septike të ndërtuara për këtë qëllim, të cilat do të shërbejnë gjersa të ndërtohet kanalizimi, kjo vlen edhe për vendbanimet nëpër fshatra;
6. Rrëmihja e rrugëve publike dhe sipërfaqeve të tjera, pa lejen e organit kompetent, kjo vlen edhe për vendbanimet e fshatit;
7. Të transportohen udhëtarët në komunikacionin publik me autobus dhe autotaksi të mjeteve të transportit dhe produkteve ushqimore, që nuk janë në gjendje të rregullt higjienike.
8. Dëmtimi i kontejnerëve, shportave për grumbullimin e mbeturinave, si dhe të gjitha shenjave për tërheqjen e vëmendjes për mbajtjen e pastërtisë .
9. Hedhja dhe vendosja e plehrave organik (bagëti), e mbeturinave tjera, afër rrugëve magjistrale dhe rrugëve nëpër lagjet e Junikut.
10. Hedhja e plehrave organik (bagëti), mbeturinave dhe ujërave të zeza afër ujësjellësit publik , krojeve, puseve (bunarit), më afër se 30m.
11. Djegia e mbeturinave në kontejner dhe sipërfaqe publike, djegia e gomave të automjeteve, materialit plastik, dhe materialeve tjera.
12. Ndërtimi i shtallave për bagëti duhet të jetë larg puseve dhe burimeve të tjera të ujit më së paku 50 m.
13. Hedhja e vajrave motorike në hapësirat publike nga personat fizik dhe juridik.
14. Vendosja e materialit ndërtimor, materialit të papërdorshëm, materialeve tjera dhe mjeteve për punë në trotua, sipërfaqe publike, si dhe aty ku pengohet lëvizja e lirë e qytetarëve;
15. Hedhja e mbeturinave të ndryshme dhe ujërave të zeza në lumin Erenik, prrocka etj.

Me rastin e bartjes së mbeturinave të ekonomive familjare duhet pasur kujdes që në ndërtesë dhe para ndërtesës, në rrugë ose sipërfaqe të tjera publike, mbeturinat e tjera të mos shpërndahen (derdhen), të mos ngritët pluhur, të mos ndytën dhe të mos dëmtohen lokalet dhe sipërfaqet ku gjenden kontejnerët për mbeturina. Pas bartjes së mbeturinave, lokalet në ndërtesë dhe lokalet tjera, respektivisht sipërfaqja e rrugëve dhe sipërfaqet tjera duhet të mbetën në gjendje të rregullt të pastruar.

Neni 19

Në të gjitha vendbanimet ku ndërmarrja komunale e autorizuar nga Komuna për grumbullim të mbeturinave shtrin aktivitetin e vet, të gjithë qytetarët janë të obliguar t'i përgjigjen ndërmarrjes për mbulimin e shpenzimeve të grumbullimit të mbeturinave sipas çmimeve të aprovuara nga Komuna.

Neni 20

VII. DISPOZITAT NDËSHKUESE

20.1. Personat juridik-personi përgjegjës i personit juridik, apo fizik (qytetarët) nëse hasen në kundërshtim me nenin 11.1 duke hedhur mbeturina në sipërfaqet publike, do të gjobiten në shumën prej:

nëse hedh me dorë - 10 €, hedhja me karrocë dore - 30 €, me automjete dhe rimorkio - 50 €

20.2. Nëse personat e cekur në nenin 20.1 të kësaj Rregulloreje nuk e paguajnë gjobën mandatore, atëherë nga Drejtoria e Shërbimeve Publike dhe Inspektion do të paraqitet kërkesë për dënim në Gjykatën për kundërvajtje, ku nga kjo gjykatë do të dënohen në shumën prej:

- a) Personin Juridik (Subjektin afarist) 100 - 200 €.
- b) Personin Fizik (personi përgjegjës i subj. Afar) 50 – 100 €.
- c) Personi Fizik - qytetari, 30 - 50 €

Neni 21

21.1. Nëse personat përgjegjës të subjekteve afariste si dhe personat fizik, veprojnë në kundërshtim me nenin 11 pikat (2, 3, 4, 5, 9, 10, 11, 12, 16, 17, 18, 19, 20,21) të kësaj Rregulloreje, konsiderohet se kanë shkaktuar kundërvajtje dhe lënda do të procedohet në gjykatë për kundërvajtje, ku nga gjykata do t'iu shqiptohet dënimi në shumën prej :

- a) Personin Juridik (Subjektin afarist) 100 - 200 €.
- b) Personin Fizik (personi përgjegjës i subj.afar) 50 -100 €
- c) Personi Fizik-qytetari, 30 - 50 €

21.2. Nëse subjektet afariste, si dhe personat fizik, veprojnë në kundërshtim me nenin 11 pika (13, 15) të kësaj Rregulloreje, konsiderohet se kanë shkaktuar

kundërvajtje dhe lënda do të procedohet në Gjykatë për kundërvajtje ku nga gjykata do t'iu shqiptohet dënimi në shumën prej :

- a) Personin Juridik (Subjektin afarist) 300 - 500 €.
- b) Personin Fizik (personi përgjegjës i subj.afar) 100 – 200 €
- c) Personi Fizik-qytetari, 50 - 100 €.

21.3. Nëse personat përgjegjës të subjekteve afariste si dhe qytetarët nuk e respektojnë nenin 11 pika (6, 7, 8, 14) të kësaj rregullore konsiderohet se kanë shkaktuar kundërvajtje dhe lënda do të procedohet për gjykatë për kundërvajtje dhe do të dënohen në shumën prej.

- a) Personin Juridik (Subjektin afarist) 100 - 200 €.
- b) Personin Fizik (personi përgjegjës i subj.afar) 50 – 100 €
- c) Personi Fizik - qytetari, 20 - 50 €.

Neni 22

Nëse personat përgjegjës të ndërmarrjeve ndërtimore si dhe personat fizik (qytetarët) hasen nga inspektorët komunal në kundërshtim të nenit 13, 14, 15 të kësaj Rregulloreje konsiderohet se kanë shkaktuar kundërvajtje dhe lënda do të procedohet në gjykatë, ku do të dënohen në shumën prej

- a) Personin Juridik (Subjektin afarist) 100 - 200 €.
- b) Personin Fizik (personi përgjegjës i subj.afar) 50 - 100 €
- c) Personi Fizik - qytetari, 30-50 €

Neni 23

23.1. Nëse ndërmarrja përgjegjëse për bartjen e mbeturinave, nuk i përmbahet nenit 16, 17, 18, 19, 20 të kësaj Rregulloreje dhe konstatohet nga inspektorët komunal, ka shkaktuar kundërvajtje,dhe me këtë rast lënda do të procedohet në gjykatën për kundërvajtje komunale ku do të dënohet në shumën prej :

- a) Kompaninë përgjegjëse 200 - 500 €
- b) Personin përgjegjës të kompanisë 100 - 200 €.

Neni 24

Për veprimet që nuk janë të përfshira në këtë Rregullore, aplikohet Udhëzimi Administrativ Nr. 04/ 2009 të datës 05.06.2009 i lëshuar nga MMPH për gjobat mandatore).

neni 25

VIII. DISPOZITAT KALIMTARE

1. Për zbatimin e kësaj Rregulloreje do të kujdesen, Drejtoria për Shërbime Publike Inspektion Mbrojtje dhe Shpëtim,
2. Te gjitha mjetet e realizuara nga dispozitat ndëshkuese te kësaj rregulloreje do te destinoohen ne buxhetin Komunal.

Neni 26

Kjo rregullore hyn në fuqi ditën e miratimit të saj nga Kuvendi i Komunës së Junikut.

Date:28.02.2011
Junik



Kryesuesi i Kuvendit Komunal

Sinan Gacaferi